

**ORDENANZA FISCAL Nº IL.2 REGULADORA  
DA TAXA POLO SUBMINISTRO DE AUGA  
POTABLE A DOMICILIO.**

\*\*\*\*\*

**NATUREZA E FUNDAMENTO**

**ARTIGO 1**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos do 15 ó 19 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello establece a Taxa por SUBMINISTRO DE AUGA POTABLE A DOMICILIO, que se rexerá pola presente Ordenanza Fiscal, atendendo as súas normas ó previsto no artigo 57 da citada Lei 2/2004.

**FEITO IMPOÑIBLE**

**ARTIGO 2**

Constitúe o feito imponible da Taxa a prestación do servizo de subministro de auga potable a domicilio, a petición do interesado.

**SUXEITO PASIVO**

**ARTIGO 3**

Serán suxeitos pasivos contribuíntes, as persoas físicas ou xurídicas e as Entidades ás que se refire o art. 35.4 da Lei Xeral Tributaria, que ocupen ou utilicen as vivendas e locais situados nos lugares, prazas, rúas ou vías públicas nos que se preste o servizo, xa sexa a título de propietario ou de usufructuario, habitacionista, arrendatario ou, incluso de precario.

Terán a consideración de suxeitos pasivos substitutos do contribuínte, o propietario das vivendas ou locais, que poderá repercutir, no seu caso, as cotas satisfeitas sobre os usuarios daquelas, beneficiarios do servizo.

**RESPONSABLES**

**ARTIGO 4**

Serán responsables solidarios das obrigacións tributarias dos suxeitos pasivos, as persoas físicas e

xurídicas ás que se refiren os artigos. 41 e 42 da Lei Xeral Tributaria.

Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o art. 43 da Lei Xeral Tributaria.

**NORMAS DE XESTIÓN**

**ARTIGO 5**

Toda autorización, para gozar do servizo de augas, levará aparelhada a obrigación de instalar contador nos inmobles sendo particular para cada vivenda que deberá ser colocado en sitio visible e de fácil acceso que permita a clara lectura do consumo que marque.

O abastecemento de augas potables a este municipio, é un servizo municipal, de conformidade coas prescricións vixentes, explotándose por conta e beneficio do Concello.

A taxa liquidarase cando se presente a solicitude de alta no padrón correspondente, podendo ratearse por meses.

Se se utiliza o servizo sen mediar solicitude, darase de alta de oficio no correspondente Padrón, liquidarase e notificarase ós interesados polo período non declarado, sen prexuízo das sancións e recargas que procedan.

Unha vez producida a alta no correspondente Padrón, a liquidación desta taxa farase por procedemento de padrón ou matrícula.

**OBRIGACIÓN DE PAGO**

**ARTÍGO 6**

A Taxa regulada nesta Ordenanza é esixible no momento que se inicie a prestación do servizo.

Establecido e estando en funcionamento o referido servizo, a Taxa devengarase o primeiro día do período que sinala a tarifa da Taxa, no seu caso, na data na que comece a prestación do servizo.

O pago da Taxa realizarase:

a) Tratándose da primeira liquidación, non exaccionada no padrón, no momento de presentarse a solicitude, en calidade de depósito previo, e o seu ingreso farase efectivo na Tesourería Municipal, ou no lugar que determine a Alcaldía-Presidencia.

b) Tratándose de liquidacións practicadas de oficio polo Concello, notificarase ós interesados os cales as poderán facer efectivas en vía voluntaria no prazo de un mes, sen prexuízo das sancións e recargas que procedan.

c) Tratándose de liquidacións efectuadas polo Padrón ou Matrícula esixírase nos períodos que sinala a tarifa da Taxa, ou no seu caso, nos períodos que sinala a Alcaldía-Presidencia, e o seu ingreso farase efectivo no período voluntario no prazo de dous meses dende a súa publicación no BOP.

## **DECLARACIÓN DE ALTA E BAIXA**

### **ARTIGO 7**

Os obrigados ó pago formularán as declaracións de alta nos Censos ou Padróns da Taxa e producirá efectos no mesmo momento de presentarse a declaración, podendo ratearse, no seu caso, por meses.

Os obrigados ó pago formularán as declaracións de baixa no censo ou padrón da Taxa e producirá efectos no período seguinte ó de presentación da mesma podendo, no seu caso, ratearse por meses.

## **NORMAS PARA O SUBMINISTRO**

### **ARTÍGO 8**

Establécense as seguintes normas:

#### **DAS ACOMETIDAS**

1º.-As acometidas de auga dende a rede xeral de distribución ata a parte exterior das fincas, serán feitas polo Concello, a cargo do propietario, quen pode subministrar tódolos materiais que precisen, ou no seu defecto, aportalos o municipio, liquidándose pola oficina correspondente o importe dos xornais dos obreiros municipais, e no seu caso, dos materiais ós prezos do día, notificándose a liquidación ó interesado cun prazo de oito días para efectuarlo ingreso que, de non facelo será efectivo pola vía de constrinximento.

2º.-O diámetro da acometida ou conexión será calquera, se a derivación se practica por enxerto, pero cando se perfore o cano xeral, determinarase polo encargado do servizo, o punto de perforación e o diámetro máximo, do arranque da derivación.

3º.-Á entrada do inmovible e en sitio convinte, situarase unha chave de paso pechada nun rexistro de fábrica con tapa metálica, do que o material corre exclusivamente a cargo da Administración.

4º.-Unha vez establecidos os canons de servizo nunha finca, non poderán introducirse nelas ningunha alteración sen o consentimento do Concello.

5º.-A concesión haberá que solicitala á Xunta de Goberno Local, en impreso que facilitará a oficina

de Rendas, enchendo os seus ocios polo solicitante sen ningunha omisión.

6º.-Ó outorgarse cada concesión farase constar na mesma polo encargado do servizo de Augas, o punto onde se fixo a toma e no que se coloca a chave da acometida, a dirección desta ó contador ou contadores e demais circunstancias especiais da instalación que se consideren necesarias a xuízo do encargado do servizo.

7º.-Non se poderá facer variación ningunha en ningún elemento dos que compoñen a instalación, ou sexa, contador, billas, tubarías, etc. sen o correspondente permiso.

## **DOS CONTADORES**

8º.-Establecerase para cada vivenda unha chave de paso e un contador que indique o consumo total en toda ela, que será o que sirva ó Concello, para facer a capacidade.

9º.-Os contadores situaranse na posición que lles sexa normal, en lugares de fácil acceso e limpos e de tal xeito, que pola súa situación e altura non resulte molesta a súa lectura polo encargado de facelo. En cada caso decidirase polo Concello o emprazamento máis axeitado para a facilidade da capacidade.

10º.-Todo aboado deberá avisar por escrito á Alcaldía, de calquera introdución, insuficiencia ou irregularidade no servizo, o que se comprobará polo persoal encargado, anotándose na súa libreta e na do propietario, e só dende a data da anotación se contarán os días de interrupción ós efectos conseguintes.

11º.-As liquidacións faranse trimestralmente e as lecturas dos contadores tomaranse en presenza dos interesados ou representantes e se non concorresen ó acto do aforo aplicarase a liquidación que dea o encargado da lectura, sen dereito a ningunha reclamación.

Ós usuarios da auga entregaráse unha libreta onde se anotarán trimestralmente as lecturas, desta libreta, será responsable o usuario, e no caso de extravío, reclamará outra no Negociado, da que asinará o correspondente recibo. Se ó producirse unha incidencia entre o aboado e o Concello, non puidese aquel presentar esta libreta, perderá todo dereito a reclamación.

Ó encargado da lectura dos contadores, anotará esta na súa libreta e na do aboado.

12º.-No caso de paralización ou avaría do contador, faranse liquidacións de acordo ó trimestre anterior se a instalación non tivese un ano de existencia, e se a tivese de acordo ó mesmo trimestre do ano anterior.

## DO SUBMINISTRO

**13ª.**-As concesións de auga poderán facerse ós propietarios das fincas e tamén ós arrendatarios delas, serán sempre temporais e mediante o pago das tarifas vixentes.

Os arrendatarios deberán ser autorizados polos donos das fincas para introducir a auga nos locais que ocupan.

**14ª.**-Os abonos cos usuarios de auga, serán temporais, polo tempo que o aboado ocupe a vivenda, estando obrigados a dar conta á oficina de auga do cambio de residencia e traslados de vivenda dentro da poboación.

Cando o nome dun aboado ó subministro de auga, variase polo seu falecemento, ausencia, traspaso e outras causas, sempre que continúe no mesmo piso a familia ou entidade onde se veña subministrando o servizo de auga, a persoa que lle suceda deberá dar conta inmediata ó Negociado, subscribindo novo abono, sen que isto orixine o cambio do contador.

**15ª.**-A cobranza efectuarase mediante recibos trimestrais e se o pago non se efectuase dentro dos oito días seguintes ó da súa presentación, suspenderase o subministro de auga sen previo aviso, sen prexuízo do pago de arbitrio non fiscal sobre edificios que carecen dos servizos de salubridade e a reclamación do débito pola vía de constriximento.

**16ª.**-No caso de interrupción parcial ou total do servizo xeral de augas, non terán os aboados dereito a ningunha indemnización.

**17ª.**-Será obrigatoria a instalación e adquisición de contadores de auga por conta dos usuarios. O Concello poderá por si mesmo ou mediante contrata, proceder á instalación de contadores e conservación dos mesmos, sendo de conta do usuario os gastos que esta instalación e conservación orixine. Así mesmo, o Concello poderá contratar os servizos de lectura e outros relacionados con este servizo municipal de Augas.

**18ª.**-O sistema de calibres e marcas de contadores para a medición de auga, serán determinados con carácter xeral e obrigatorio polo servizo municipal de Augas. Non poderá usarse ningún contador que non fose previamente verificado pola Delegación de Industria.

## CONTÍA

### ARTIGO 9

A estrutura e contía deste Taxa, será a que figure na seguinte:

## TARIFA:

### A) USOS DOMÉSTICOS:

	€m <sup>3</sup>
1º bloque, ata 10 m <sup>3</sup> de consumo	0,363290
2º bloque, de 11 m <sup>3</sup> a 20 m <sup>3</sup>	0,458185
3º bloque, exceso de 20 m <sup>3</sup>	0,488630
Cota mensual de servizo	1,862
Cota mínima mensual	5,499

Ás vivendas que non teñan instalado contador, facturaráselles un mínimo de 11,75 €/mes, dándolle ó contribuínte para que instale o contador, de acordo co Regulamento e Normas técnicas, un prazo de seis meses, e no caso contrario procederase ó corte de subministro de auga.

### B) USO COMERCIAL:

Comercios de venda menor, artigos de regalo, camisería, mercería, oficinas, tendas de alimentación e similares:

	€M <sup>3</sup>
1º bloque, ata 10 M <sup>3</sup> de consumo	0,458185
2º bloque, exceso de 10 M <sup>3</sup>	0,536750
Cota mensual de servizo	4,466
Cota mínima mensual	9,047

### C) USO INDUSTRIAL:

	€m <sup>3</sup>
1º bloque, ata 25 m <sup>3</sup> de consumo	0,458185
2º bloque, exceso de 25 m <sup>3</sup>	0,553183
Cota mensual de servizo	4,466
Cota mínima mensual	15,921

Os locais comerciais e industriais que non teñan contador, facturaráselle un mínimo de 24,17 €/mes, dándolle ó contribuínte para que instale o contador, de acordo Regulamento e Normas Técnicas, un prazo de seis meses, no caso contrario, procederase ó corte do subministro de auga.

### D) OBRA DE CONSTRUCCIÓN:

	€m <sup>3</sup>
1º bloque, ata 65 m <sup>3</sup> de consumo	0,482507
2º bloque, exceso de 65 m <sup>3</sup>	0,562415
Cota mensual de servizo	4,466
Cota mínima mensual	35,830

## **E) CANON DE CONSERVACIÓN DE CONTADORES**

O canon de conservación polo servizo de mantemento, será de 0,213 € máis IVE, para tódolos calibres, por abonado e mes.

A tódalas tarifas (usos domésticos, comercial, industrial, obras en construción), incrementáraselle o IVE correspondente.

## **EXENCIÓNS E BONIFICACIÓNS**

### **ARTIGO 10**

Aplicarase unha bonificación do 90% da tarifa para aquelas unidades familiares que non cheguen ao Salario Mínimo Interprofesional, así coma para desempregados coas prestacións esgotadas, e dunha bonificación do 50% para as unidades familiares nas que todos os seus membros superen os 65 anos e sexan receptores de ingresos cuxa contía máxima sexa a pensión mínima contributiva.

## **DEVENGO**

### **ARTIGO 11**

Devéngase a Taxa e nace a obrigaición de contribuír dende que teña lugar a prestación do servizo.

## **ENTRADA EN VIGOR**

### **ARTÍGO 12**

A presente Ordenanza Fiscal, aprobada a súa redacción definitiva polo Pleno da Corporación en sesión celebrada o día 26 de outubro de 2023, comezará a aplicarse a partir do 1 de xaneiro de 2024, sen prexuízo do establecido no artigo 49 e 65.2 da Lei 7/85, do 2 de abril, e manterase en vigor mentres non se acorde a súa derogación ou modificación expresa.

### **Datas anteriores modificacións:**

PUBLICADO BOP (modificación tarifas): 28/12/2000  
PUBLICADO BOP (modificación tarifas): 17/12/2001  
PUBLICADO BOP (modificación tarifas): 30/12/2002  
PUBLICADO BOP (modificación tarifas): 29/12/2003  
PUBLICADO BOP (modificación tarifas): 29/12/2004  
PUBLICADO BOP (modificación tarifas): 28/12/2005  
PUBLICADO BOP (modificación tarifas): 26/12/2006  
PUBLICADO BOP (modificación tarifas): 27/12/2007  
PUBLICADO BOP (modificación tarifas): 26/12/2008  
PUBLICADO BOP (modificación tarifas): 09/05/2011  
PUBLICADO BOP (modificación tarifas): 27/12/2011  
PUBLICADO BOP (modificación tarifas): 28/12/2012  
PUBLICADO BOP: 30/12/2013  
PUBLICADO BOP: 30/12/2014  
PUBLICADO BOP: 29/12/2015  
PUBLICADO BOP: 30/12/2016  
PUBLICADO BOP: 28/12/2017  
PUBLICADO BOP: 12/12/2018  
PUBLICADO BOP: 18/12/2019  
PUBLICADO BOP: 26/12/2019 (CORRECCIÓN ERROS)  
PUBLICADO BOP: 30/12/2020  
PUBLICADO BOP: 30/12/2021  
PUBLICADO BOP: 28/12/2022

### **Fecha modificación actual:**

PUBLICADO BOP: 27/12/2023

**ANEXO I**

**TARIFAS DE ACOMETIDAS, CONTADORES E OUTROS PARA O ANO 2024**

**1.- ACOMETIDAS**

Æacometida	Gabia terra (A)	Gabia asfalto (B)	Gabia baldosa-beirarrúa (C)	
¾ ".....	219,04 €.....	288,92 €.....	348,73 €	
1 ".....	240,56 €.....	309,73 €.....	368,88 €	
1 ½ ".....	318,49 €.....	388,35 €.....	448,95 €	
2 ".....	378,94 €.....	447,50 €.....	507,30 €	
Acometidas de máis de 5 m.	¾"	1"	1½"	2"
(A) Incremento de por m. ....	11,50 €.....	13,46 €.....	24,16 €.....	32,24 €
(B) Incremento de por m. ....	25,32 €.....	27,27 €.....	38,08 €.....	46,01 €
(C) Incremento de por m. ....	30,44 €.....	32,39 €.....	42,75 €.....	51,07 €

**2.- CONTADORES**

2.1.- Contadores de 15/20 mm.

- Instalación en batería de contadores ou similar
- Contador de 15/20 mm.
- Válvula antirretorno
- Pezas de conexión...

Prezo: 15 mm.... 96,21 €/ ud.; 20 mm.... 121,37 €ud.

2.2.- Contador diámetro superior a 15/20 mm.

- Presupostarase para cada caso.

**TARIFA DE CONTADORES (SEN INSTALACIÓN)**

	€
Æ 15 mm.....	66,45 /ud.
Æ 20 mm.....	91,61 /ud.
Æ 25 mm.....	149,18 /ud.
Æ 30 mm.....	208,55 /ud.
Æ 40 mm.....	323,39 /ud.
Æ 50 mm.....	706,37 /ud.
Æ 65 mm.....	875,69 /ud.

**3.- TARIFA POR INSPECCIÓN DE INSTALACIÓN DE CONTADOR, PRECINTADO E TOMA DE LECTURA PARA CAMBIO DE TITULARIDADE.**

Total..... 21,55 €/unidade

**4.- XESTIÓN DE COBRO**

No caso de non facer efectivo o importe do recibo no período voluntario de cobro, por confección de listado de pendentes de pago, carta individual a cada un deles, certificado de correos, etc. Cargarase unha cantidade igual ás tarifas postais vixentes á carta certificada con acuse de recibo.

NOTA: Tódolos prezos anteriores veranse gravados co IVE correspondente.